



**Der Stat Worm[b]s || Reformation: statute[m].
ordenu[n]g || Satzung die alle[n] Stette[n]: co[m]munen:
Regime[n]ten: fürste[n]=||thum: Herschafften:
Amptleüte[n]: nutzlich: furdlich: vn[d] || ...**

Knobloch, Johann

Straßburg, 1509

VD16 VD16 W 4382

VD18 VD0096124

Wie es mit appellacion sachen die von Beyurteiln bescheen vnnd vor dem
oberen Richter nitt iustificirt: gehalten werden soll

[urn:nbn:de:hbz:466:1-98940](https://nbn-resolving.org/urn:nbn:de:hbz:466:1-98940)

recht ist. **S**oll der appellans auff den formalia seiner appellacion beweisen vnd rechtfertigen. dar nach sein Libell vnd clag der beschwerung fürwenden vnd in der sache volfarn in massen hievor dauon außgetrückt ist.

Des gleichen soll auch der appellatus so er inn abwesen vnd ungehorsam des appellirers procedirn wolt. Auch formalia der appellacion zu gründung der Jurisdiction vnd gerichtszwangel beybringen vnd darnach sein meinung vnd beger fürtragen. vnd fürter procedirn vnd handeln wie vor dauon angezöigt ist.

Doch das zu einer yeder nachfolgenden terminen dem widertheil inn sein beklagung verkündung beschehe. Oder in Tabulis: das ist in schrifften an der Tafel vor der Rüng Citirt vnd fürgeheissen werde wie in sachen der ersten Instantien vff die ungehorsamen zu handeln angezöigt ist.

Vnd soll solichs verstanden werden in sachen da der krieg in 3 ersten Instanten durch Ja oder Neyn beuestigt ist.

Tem würde aber der appellans inn der Appellacion sache vor beuestigung des kriegs ungehorsam souerz dann Appellatus nitt ferrer procedirn wolt: wie obsteet: sondes der widertheils ungehorsam vnd Contumacian beclagt soll auff des appellaten anruffen der appellirer ungehorsam vnd de gerichts kosten abzulegen. vnd der appellatus auff sein begere Ab instantia iudicij: das ist vonn der Ladung absoluit vnd ledig erkant werden.

Das Recoüention und widerrechts clag soll in appellation sache nit zulassen noch gehört werden. Zi. v.

Soder antworter inn der ersten rechtfertigung vor beuestigung des kriegs sein widerrechts clag die man Recoüention nemmet vnderlassen. vñ wie sich in recht gepürt nit gethan hette. so er dann in der sache der Appellation widerrechts clag thun vnd fürbringen wolt soll er nitt gehört werden.

wie es mitt Appellation sache die von Beyurteil bescheen und vor de obern Richter nitt iustificirt gehalten werden soll. Zi. vi.

Dyemant vonn einicher Beyurteil Interlocutori genannt: oder ander beswerd appellirt. vnd sein Appellation für den oberichter fürgenömen nitt rechtfertig vnd iustificirt. auch durch die widerparthey gütwilliglich nitt zu gelassen. Oder durch denn oberichter. vbel appellirt vnd denn vorigen

Nichter wol geurteilt erkant würde. so soll der appellans mit annemen sonder wider für die vordern Nichter weisheit. In dem Appellato seiner kost vnnnd schaden durch solich vnnottürfftig vnd freuelich appellacion erlitten auff rechtlich ermessigung erstattung geschehe: wie das in rechten geordnet vnnnd begriffen ist.

So aber die Appellation außgründen des rechten/durch vrtail oder willigung beyder Parthey zugelassen were. so mag der appellans weyter in der haubtsach processiren wie sich nach rechtlicher/ vnd hierinne angezügter ordnung gepürt.

wie der ungehorsamer inn der ersten rechtfertigung oder in der Appellation sach zugelassen vñ gehoret werden soll. Ti. vii.

AIn yeder Cleger oder Antwozter: appellans oder Appellatus der auff angesetztze tage oder fürforderung wie obsteet vngheorsam ist wo: den: vnnnd doch nachmals erscheint. es sey nach einer meer oder allen terminen. soll in dem stande: wie er die sach vnnnd process fyndt. verrer zühandeln zugelassen vnd gehört werden. Doch mit der bescheidenheit das züuor dem gehorsamen teil aller kost vnnnd schaden seiner vngheorsam halb erlitten nach gerichtlicher ermessigung erstattung vnnnd bezalung beschehe.

Von rechtlicher nachuolg der Appellation vnd in welcher zeit die appellacion sach oder instantz volendt werden soll. Ti. viii.

AIn yeder appellirer soll nach eröffnunge der vrtail oder fürgenöme beschwerung seiner gethanen appellacion in iarsfryst nach kommen volfürn vnnnd die sach zü ende bringen. Vnd wo der appellirer in der gemelten zeit solich Appellation nit volfürte: so ist alsdann die selb appellacion gefallen. desert vnnnd verirr: als das an dem vndergerichte vmb die selben spruch vnnnd sach ferrer beschehen mag was recht ist lut gesprochenen vrtail. Es were dann das der selb Appellans auß rechter eekafft verhindert wird. so alsdann vnnnd in dem selben fall soll in das zwayte fatal: das ist das zwayte iar sein appellacion züuolfürn erteilt zugelassen vnnnd vergünstigt werden.

Desgleichen so dem appellirer durch den Richter vonn dem appellirt ein nemlich zeit benant sein Appellation züuolfürn vnd er sumig würde: so soll es darinn auch gehalten werden wie yez von der zeit der iarsfryst angezeigt ist.